



ӨТИ ВУЖ

Удмурт республика



Весиг «Повесть временных лет» казътылбмын абу некутшом пасйод. Вермас лоны, тайо лоис сы вöсна, мый важ удмуртъяс рочьяскöд йитöдъяс кутисны öти вужъя комияс пыр, кодъяскöд шусисны перымсаясöн. Гижöмön медводдзаысь удмуртъясöс (лунвывсаясöс) пасйöма 1379 воын.

Войвывса удмуртъяс өна важкысян нин рочьяскöд йитöдаöсь. Тайö муясö, монголъяслöн да татараяслöн нартитöмысь пышйöмön, локтисны роч йöз. 1489 воын Вяткаса му лоис Москва княжество улын. Лунвывса удмуртъяс дыр вöлины Волгаса да Камаса Булгария, Зарни Орда да Казаньса ханство улын. Арталöны, мый Роч государство улö удмуртъяс ставнаныс пырисны 1558 воын.

Кама бердса вөръясын важöн вöрвалисны, кыйисны чери, чукöртисны ма, а сөся кутисны вöдитны му да видзны скöт. Нянь волис бура, сийöс нулисны весиг йöз муö. Айловъяс кыпöдлисны уна ромöн мичмöдöм керкаяс. Зөв киподтуяось нывбабаяс. Удмуртъяслöн национальной костюм, специалыстъяслöн кывкöртöд серти, Волга бердса войтыръяс пöвстын медся аслыспöлöс да мича. Ыджыд гажъясöн пасйöны тувсов да арся уджъяс эштöдöм. Ёна радейтöны сылланкыв.

КОДЪЯС УДМУРТЪЯСЫС?

Удмуртъяс - финн-йöгра котырö пырысьяс, кöни матö 20 войтыр. Россияын лыд серти мöдöсь (мордва бöрын). Ыли рöдвужыс - Дунай вылын венгръяс, Обь вылын йöгра. Удмурт кывлы медся матыс коми. Найö матынöсь сiдз жö, кызди полякъяслöн да роч кывъяс. Чужöмбан серти удмуртъясöс суйöны Уралса ичöt расаö, кодi өнджыкасö муно Европаса мортлань, но тöдчö и монголъяслöн вир. Казялöма, мый удмуртъяс медся гöрд юрсиаöсь, гашкö, весиг став мирын. Тушаон абу ыджыдöсь, но ёнöсь, ас вывтi ыджыд сöкыдлунъяс нуысьöсь. Удмуртъяс вежавидзысьöсь да весиг яндысьысьöсь, этша сёрниаöсь, абу ошйысьысьöсь. Абу гораöсь, янöдöны вылö лэптисысьысьöс. 18 нэмын на татчö волысьяс пасйылисны налысь шаньлун, тöдтöм йöзöс бура вочаалöм, сёлöм сетöм, кывзысьöм.

Удмуртъяс ас кадö юкисны войвывса да лунвывса вылö. Войвывса вылö өна тöдчис роч войвыв, а лунвывса вылö - степса оласног. 20-öд нэм панситöн на быд удмурт бура тöдiс, мый сийö пырö воршуд котырö, кодлөн эмöсь аслас Ён да видзись (чукчи, юсь, енэжса олысьяс). Войвывса удмуртъяс пöвстын олоны бессермяна, кодъяслысь вужсö оз на тöдны öниöдз, лыддöны весиг, мый найö - печенегъяслöн коляс. Но, став сертиыс, найö матынöсьджык чувашъяс дорö.

Археология боксян Удмуртияöс туялöма этша на, но векжö позьö вöчны кывкöртöд, мый важ уд-

муртъяслы подувсö сетисны Волга да Кама бокса племенаяс, кодъяс дорö бöрындыжык сёлнитчисны накöд орчонмоз олысьяс. Тайö сiдз шусяна ананьинской племенаяс, кодъяс ёртасисны Сибирса, Шöр Азияса, Кавказса, Индияса, Египетса да мукöд мекстаясса олысьяскöд.

Сы вöсна, мый гижны удмуртъяс босьтчисны вель сёрөн (18-öд нэм), ас йывсыныс өна важся пасйöдъяс он аддзы. Тайöс вöчисны мукöд войтыр. Медся важ пасйöдъяс удмуртъяс йылысь вöчисны арабъяс (Абу Хамид ал-Гарнати, 12-öд нэм). Рочьяс удмуртъясöс сiдзжö эз пасйыны дыр.



Кама ю вылын



«Россиякöд веккежлö öтув» монумент



Гобгурт сиктын школа-сад



М.Т.Калашников



Ижевскса öржые вöчысьяслы памятник

ВОСЬКОВ БÖРСЯ ВОСЬКОВ

Республикалөн ыдждаыс 41062 квадратной километр. Тани оло 1517969 морт. Пырö федерациялөн Волгабердса кытшö. Кык государственной кыв - удмурт да роч. Юркарыс Ижевск. Рыгывылын да войвылын сыкöд орчон Киров область, асывылын - Перымса край, лунвылын - Башкортостан да Татарстан. Котыртчис 1920 вося ноябр 4 лунö. Законъяс вынсöдан власьтөн лоö Удмурт республикалөн Государственной Совет, кодöс бöрийöны быд вит во мысти. Оломö пöртись власьтөн лооны президент да правительство. Президенталан кад помасьöм бöрын (2014 вося тулыс) президент пыдди лоö республикаса юралысь.

Видзöдлыны кö кольöм кад вылö, Кама бердын йöз кутисны овны миян эраöдз 8-6 сюрс вояс сайын. Найö вöлины пермякъясöн - комияслöн да удмуртъяслöн вужйөн. Дзык удмурт-

яс лоисны миян нэм панасын, найö сөки шусисны вотякъясöн.

16-öд нэм помын войвывладорса удмуртъяс пырисны Москваса государством, а лунвывсаяс вöлины Казаньса ханство улын. 1552 воын Иван Грозный босьтис Казань да удмуртъяс, кызди войтыр, пырисны Роч государство, и найöс бостчисны пыртны Христослы эскöмö.

1774-1775 воасын удмуртъяс кыпавлисны тыш вылö, кодөн юрнуöдiс Емельян Пугачёв.

19-öд нэмлөн мөд джынйын öдийö сөвмис промышленносеть, воссисны выль фабрикаяс, училищеяс, гимназияяс. 1899 воын кутис уджавны Перым-Котлас көрт туй.

Кызди государстволөн котыр, Удмуртия артмис Октябрса революция бöрын. 1918-1919 воасын öния Удмуртиялөн му вылын мунис гөрдъяс да еджыдъяс костын тыш. 1920 вося

ноябр 4 лунö В.И.Ленин кырымалiс выль автономной областьтъяс котыртöм йылысь ВЦИК-лысь да народной комиссарьяслөн Советлысь индöд, кöни вöли шуöма и вотякъяс йылысь. СССР-са ВЦИК-лөн 1932 волөн январся индöдөн Вотской автономной областьт пыдди лоис Удмуртской автономной областьт, а ВЦИК-лөн 1934 волөн декабр 28 лунся индöдөн областьт пыдди лоис Удмуртской Автономной Советской Социалистической Республика.

Великой Отечественной война дырйи Удмуртияö вайисны матö 40 предприятие, кутисны лэдзны фронтлы öржые. Война бöрын Удмуртияын кыптiс ыджыд вынйöра уна промышленной предприятие, кодъяс лыдын автомобильяс лэдзан завод, «Ижтяжбуммаш» да с.в.

1958 вося июнь 20 лунö Удмуртияöс пасйисны Ленин орденөн, öткымынлы вичмөдiсны социалистической уджывса Геройлысь ним, государстволысь мукöд пасьяс.



Республикаса президентлөн керка



Ижевскын